

問答
三頌

稿益

C40
4514
(119)



内則
玉藻

十三經
禮十

偶拈問答序

憶癸酉秋過菰城季清程居士家。偶遇雪庭禪師。定謂予曰。夫禪者教之綱領。教之根本也。今時教家不信有禪。是猶取綱而無綱。攀枝附葉而無根本。抑何惑哉。不應之曰。老師真至言也。夫禪者教之綱也。教者禪之綱也。禪者教之領也。教者禪之襟帶袖襖也。禪者教之根本也。教者禪之枝葉花果也。教家捨其綱領根本。固爲大惑。而今禪士亦復棄綱而獨存一網。棄枝葉花果而獨存一

C 40-4514




B 64853

偶拈問答序

憶癸酉秋過菰城季清程居士家。偶遇雪庭禪師。庭謂予曰。夫禪者教之綱領。教之根本也。今時教家不信有禪。是猶取綱而無綱。攀枝附葉而無根本。抑何惑哉。予應之曰。老師真至言也。夫禪者教之綱也。教

者禪之綱也。禪者教之領也。教者禪之襟裾袖襪也。禪者教之根本也。教者禪之枝葉花果也。教家捨其綱領根本。固為大惑。而今禪士亦復棄綱而獨存一綱。棄襟裾袖襪而獨存一領。棄枝葉花果而獨存一



枯樹樁不尤惑乎。庭遂無語。嗟嗟。禪之與教如何可分。從上諸祖。未有敢離經一字者。從上諸大教主。亦未有不透徹心宗。得大機用者。奈何末世。視作兩途。真可哀矣。予每講次。必極力拈提綱領根本。以示人。而人罕知薦取。又曾作三頌。露此消息。而昧者猶謂尚是教意。未是宗意。嗚呼。宗意果離教意。不竟同魔說乎。今更捏糍團作胡餅。以療呱呱之泣。且道畢竟是宗是教。咄。癡人前不得說夢。

辛卯新正四日。北天目滿益道人書於祖堂。

法華堂四問并答。

一問。步步不曾離著他。因甚麼舉似不出。

答。舉則不似。頌演若迷頭向鏡。馳狂呼歷劫。未曾癡朝來。摸著娘生鼻。到底雙雙兩下垂。

又答。分明舉似。頌。分明舉似不曾差。步步何嘗離著他。更問之乎。并者也。胡人月下吹胡笳。

二問。說得。了了分明。因甚麼用他不著。

答。說底是甚麼。頌。家常茶飯日。三飡一飽。渾忘飢與寒。只恐鮮能知此味。別圖鳳腦與龍肝。

又答步步不曾離 頌分明步步不曾離日用尋常
盡是伊怪底春光徧桃李東風消息幾能知

三問三身與三自性是同是別

答且道是同是別 頌三性三身別復同分明指示
不須融獨隣村裏三家犬月下哩啾吠草叢

正答。三自性與三身亦同亦別。同者由悟圓成實性。
證會法身。由淨依他成報智身。由悟徧計本空成普
應身也。別者。三身約果德。二性約境界。三身約悟顯
三性通迷悟也。

四問一切法皆可作四句且如三性各四句如何
作

答四句歷然 頌無性緣生觸處通有無情理互合
容一微亦必存方分隴侗如何達此宗

正答。徧計所執性四句者。情有故常。理無故無常。情
有卽是理無故亦常亦無常。理無卽是情有故非常
非無常 依他起性四句者。緣生故常。無性故無常。
緣生卽無性。故亦常亦無常。無性卽緣生。故非常非
無常 圓成實性四句者。理有故常。情無故無常。理

有卽是情無故亦常亦無常情無卽是理有故非常
非無常亦可約不變隨緣隨緣不變而作四句 又
單約依他起性辨三性以明四句者依他性中有圓
成實性故常如繩有麻依他性中無徧計所執性故
無常如繩無蛇雙照故亦常亦無常雙遮故非常非
無常當知惑業苦三皆是依他起性於依他起並具
四句依他苦四句卽性具法身四句也依他惑四句
卽性具報身四句也依他業四句卽性具應身四句
也又佛三身卽淨分三自性各四句也

除夕十問并答

一問如何是爲實施權

答家家有路透長安 頌治水功成定永圖荒要侯
甸各分符始皇吞併非良策貶眼秦嬰已獻俘

又答病多藥多 頌病多藥亦多須是問耆婆黃龍
湯一味那得起沉疴

二問如何是開權顯實

答借婆衫子拜婆年 頌禮到何勞漫費錢大家恭
敬賀新年面門歡喜心安樂不羨無懷與葛天

又答子等心等 頌子等心亦等况復肯無盡周給
本非難只愁不自肯

三問如何本迹雖殊不思議一

答歲歲黃鶯啼綠柳 頌春光一度一番新賺得嬌
奴起怨情獨有東村王大姐依依猶憶舊時人

又答萬古碧潭空界月 頌萬古碧潭月盈虧時出
沒撈攬非有無大辯終須誦

四問如何是觀心若起本迹俱絕

答泥佛填官路 頌路邊掘土成尊像要走還將尊

像填只恐旁人眉墮落漫同院主怨天然

又答兩箇泥牛鬪入海 頌泥牛鬪入海水人齊喝
采堪笑石女兒猶向波間待

五問如何是止觀不二

答天昏地陷 頌混沌鑿開分兩儀成形成象亂猜
疑虛空消殞知何許正是訛傳盤古時

又答古鏡掛高臺 頌古鏡掛高臺何妨胡漢來秀
公空拂拭拂處轉多埃

六問如何是具縛凡夫能知如來秘密之藏

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

答幾處報讎身不死 頌一自推秦博浪沙轉逢黃

石圯橋斜素書雖作劉家用與赤松遊路未賒

又答跛足長年牢把柁 頌專心牢把柁跛足難行

路看風便使帆滄溟頃刻過

七問如何是初發心時便成正覺

答千場縱博家仍富 頌梢粗膽壯賭場雄破盡寒

酸士子風一擲便輸千億界陶朱雖富未堪同

又答一線銀鈎光徧地 頌銀鈎光徧地一線天邊

麗初夜漏聲寒影向千江漬

八問如何是不斷生死而入涅槃

答大瀉山下水牛肥 頌不是怨家不聚頭自身有

債自身酬牧童若解深深意莫把繩鞭強繫留

又答七金香水浪滔天 頌香水浪滔天潛流注百

川誰能嘗一滴卻病且延年

九問如何是續佛慧命

答依舊可憐生 頌果然依舊可憐生拄拄撐撐直

到明普請大家同著力莫教倒卻葡萄棚

又答饑來喫飯 頌佛命不可斷饑來須喫飯一日

要兩衿莫學餓死漢

十問如何是臘月三十日用得著的

答銀馬金錢接竈神 頌銀馬金錢接竈神殷勤禮

拜祝虔心一門和氣生千福四季平安抵萬金

又答困來打眠 頌臘盡事清閒困來便打眠一夢

猶未足爆竹慶新年

附答覺浪禪師十問

杲日當空時如何 夜遊者伏匿作務者興成

天昏地陷時如何 高枕安眠

夢中作夢時如何 切忌枕聲落地

窮子摸著衣珠時如何 何必大驚小怪

伯牙遇子期時如何 那裏得此消息

一盲引衆盲相牽入火坑時如何 念彼觀音力

臨濟遇著白拈賊時如何 浪杖人是曹洞宗

濁油湊著濕燈心時如何 著甚死急

冷眼看人一語無時如何 只恐恩多成怨

久假不歸時如何 難瞞千古

又答湛公十問

佛祖慧命在懸絲如何振起 振則不起

知識滿天下以何作略 切莫被他瞞

具眼人來如何辨別 卻是湛公共眼

本色人相會時如何得不染汗去 染汗便非本色

用力不得時如何快暢 轉

水窮山盡處如何進步 好箇路頭

應機接物時如何使偷心不起 君子愛財取之有

道

異類中行甚麼人去得 驢前馬後漢

打破證悟關如何行履 何必問人

和身入水時如何救人 一箇棺材兩箇死漢

又答如母二問

問。人問大瀉。和尚百年後向甚麼處去。瀉云。檀越

人家作一條水牯牛去。問。學人隨來得麼。瀉云。汝

若來。須銜一莖草來。水牯牛卽不問。如何是一莖

草

答卽是自己喫的 頌生死路茫茫輪迴正未央須

銜一莖草切勿借他糧

問。瀉山遇寒拾於松門夾道。拾作虎吼三聲。及拈
拄杖問云。老兄喚者箇作甚麼。瀉皆無對。未審拈
得兩度拈處意旨如何。

答。忘卻了也。頌兩度拈來一總忘。何須平地別商
量。同條生不同條死。愁聽寒鴉度夕陽。

藕益三頌

明 菩薩沙彌古吳智旭 述

○大方廣佛華嚴經頌并序

剎海入微塵不是一多相卽。毫端呈法界非干小大
相容。祇緣法爾如然。所以不容思議。分凡聖較淺深。
大似邀空華結果。掃語言諱修證。無端禁石女生兒。
觀明星而了悟。栽成眼上兩莖耆。徧衆會以敷揚繪。
出空中千色彩。然雖今事門頭覓一塵。而無朕不妨。
實際理地。炳萬法以齊彰。大哉絕對待之假名。方矣。

泯分滿之殊相。廣則毛孔邊際等。虛空之莫窮。佛則
介爾凡心。卽真常之妙覺。華乃因果同時。嚴乃能所
不二。是以若通若別。可軌可持。十界並遵。三世一轍。
然一丸而衆香悉具。飲一滴而諸河頓嘗。普請露柱
燈籠。聽取葛藤絡索。

世主妙嚴品第一

萬國衣冠拜冕旒。御筵香染繡羅裘。不觀上苑枝條
茂。那信蒼穹雨露周。踏破波濤渾是水。織成縷線漫
稱綉。莫嫌山谷泉聲小。大海何嘗擇細流。

如來現相品第二

衆齒光明徧刹塵。十方雲集主中賓。脅間足下出還
入。極果應知卽正因。蓮現何曾離本際。勝音寧復是
他人。殷勤聽取伽陀句。白牯狸奴知葺親。

普賢三昧品第三

運水搬柴足可娛。藏身三昧阿誰無。擬求佛手來摩
頂。翻昧衣中如意珠。尺鏡徧合空界影。寸雲堪灑刹
塵枯。勞他依正同宣偈。喚出滄溟月影孤。

世界成就品第四

大覺空生海一漚一漚拈起海全收休將十事爲他
事認却鬚鬚失却頭

華藏世界品第五

鼻孔下垂眼睛橫布毛竅玲瓏皮膚連附地種無殊
森羅草樹師子全威奚分象兔欲知華藏莊嚴不離
剎那安住擬向心外覓玄昧却介爾性具

毘盧遮那品第六

閻浮本是輪王地幾度征誅始定疆曾聽胡笳月下
曲不須鶴唳亦悲傷

如來名號第七

十千名號任他呼那一个男兒不丈夫借問而今說法
者文殊還有幾文殊

四聖諦品第八

藥病相連頭緒多一番提起一番訛無生無量歸無
作大海從來具衆波

光明覺品第九

故園消息斷多秋夢裏尋思淚未收驚蟄一聲啼鳥
亂不堪覽鏡倍生愁

菩薩問明品第十

白雪陽春和者稀弟兄且自叶堦篔簹華周妻子三年
哭引得齊人盡皺眉

淨行品第十一

棒打石人頭老翁入場屋憐兒嚼飯未爲醜上大人
書勸熟讀一朝讀到可知禮錦繡文章充滿腹

賢首品第十二

認影迷頭歷劫行在心初歇鼻分明神珠拈出隨君
用衣不蠶兮食不耕

升須彌山頂品第十三

平地風波浸殺人漫傳不動又高升佛身充滿無來
去金屑休教著眼睛

須彌頂上偈讚品第十四

成羣作隊弄精魂破盡家私滅盡門唱得哩噠哩
曲大家扶起舊沙盆

十住品第十五

瞿曇一指不肯剗央掘魔羅追不歇忽然放下手中
刀失却孃生一頭髮

梵行品第十六

打破一桶做一桶顛 仙此話非僮侗鄱陽大戰定江
南 聖皇也賴三軍勇

初發心功德品第十七

三際覓心不可得擬 從何處發菩提東風一夜傳春
信花滿園林泉滿谿

明法品第十八

子孝父心寬臣賢君位安創業固不易守成尤自難
車輪鳥翼喻明月照人寒

升夜摩天宮品第十九

天名時分地如雲孔雀鵝王化久聞特地任公更垂
釣牽翻海底浪紛紜

夜摩宮中偈讚品第二十

律呂宮商無別調都俞喜起聖明時堯天舜日同欽
戴却歎巢由總不知

十行品第二十一

萬卉莊嚴功德林鳥啼花落影森森夜行不許明須
到才出門來草已深

十無盡藏品第二十二

克家須是破家見撒潑黃金似爛泥餓殺鄧通繇命
薄天朝雨露本無私

升堯率天宮品第二十三

賣盡風流不著錢桃花如餞柳如煙笙歌盡舫酣明
月見說今年似舊年

堯率宮中偈讚品第二十四

家醜何勞向外揚未曾作賊便招賊邊城多少離家
客刁斗初鳴轉斷腸

十迴向品第二十五

水滿長町霞滿天村中處處起寒烟耕牛自解循歸
路不用山童努力牽

懸梁刺股揣摩成說得燕王與趙盟何似當年赤帝
子入關先已縛秦嬰

十地品第二十六

坤儀厚重德無疆能載能生直且方看取四微非異
性不妨十岳各稱王伶俐衲細思量微塵刹土漚中
影莫負睂間毫相光

十定品第二十七

有出有入非正定試問剎那有何性假饒覓見普賢
身依舊重添普眼病君不見女子跏趺佛座邊文殊
空把神通震棄諸陰蓋下方來鉢盂端的元無柄

十通品第二十八

饑來吃飯困來眠不用安排信自然消盡幾多間日
月止留秋水與長天

十忍品第二十九

立錫無地并無錫飲痛吞聲祇自知忽解白拈閒活

計終朝袖手有餘貲

阿僧祇品第三十

介爾心王絕數量僧祇數量轉分明微塵法界全成
壞五眼如何算得清

壽量品第三十一

黃梁一夢過名關箇事分明迷悟間欲向勝蓮分晝
夜且從極樂問迴還

諸菩薩住處品第三十二

蟪蛄看上多巖谷結冬度夏居堪卜任憑劫火洞然

燒此地清涼有餘綠

色色塵塵盡道場何勞剜肉別成瘡賺他無數癡男
女東走西馳昧故鄉

佛不思議法品第三十三

一念緣起無生九界空華敗壞多年枯木爛藤慣會
成精作怪正許擬議思量不許占龜買卦

如來十身相海品第三十四

佛說非身是大身百花枝上露全春
人猶計九十七獨勝尋常四八倫

如來隨好光明功德品第三十五

千輻輪光圓滿王獄中菩薩鼻昂藏三重十地雖圓
頓鈍置人間放逸卽

普賢行品第三十六

一念無瞋卽普賢說時容易用時難世間多少弄潮
客不解撐船淺水灘

如來出現品第三十七

徧界本無藏跡地家親無故常爲祟眷間臺相播精
靈口裏光明作魑魅分明賣弄屋中金帶累兒孫向

外覩假饒入得手中來明朝不是今朝事

離世間品第三十八

花枝隨處短長春色元無高下觸著一孔毫毛惹得
通身害怕縱然瓶瀉雲興終難說盡者話蓮華本自
水生不用描空作畫

入法界品第二十九

師子頻申三昧從來何曾覆蓋坐在水中渴死祇因
畏溺爲害自從認得即君更不沿途乞丐免于角上
翻身烏龜毛裏作會憑他水盡山窮寸步不居門外

普賢行願品

十大願王遵歸極樂末後牢關和盤直拓擬議躊躇
千錯萬錯說性禪心無繩自縛親觀如來無量光方
知此話非嬉謔寄語叅玄學語流休將向上閒穿鑿
福城東莊嚴幢娑羅林文殊師利菩薩

衆生住地無明諸佛根本實智從來但一月真云何
有是非是旣發無上菩提豈更迷名失義歷盡烟水
百城寸步不曾相離

勝樂國妙峯山德雲比丘憶念一切諸佛境界

智慧光明普見法門

演若達多狂始定十方國土明如鏡鏡中現出無數
頭一聲喚著聲聲應

海岸國海雲比丘普眼法門

大海境界隨思念湧出如來光燦爛一句難將海墨
書畱與無聞作針砭

楞伽道邊海岸聚落善住比丘普速疾供養諸
佛成就衆生無礙解脫門

大地本來無寸土空中行任未爲難幾多悲智莊嚴

事一枕南柯夢欲殘

達里鼻茶國自在城人彌伽妙音陀羅尼光明

法門

叨作輪王親胤坐受公孤謨訓傳來輪字莊嚴頌向
九州百郡。

任林聚落解脫長者如來無礙莊嚴解脫門

無邊佛刹莊嚴清淨身中顯現悲歡離合滿場究竟
皆從一線說破只是自心免使別求神變

闍浮提畔摩利伽羅國海幢比丘普眼捨得三

珠

殊形異狀徧體出生六月六日播弄精靈喚作般若
嬰兒喪明

海潮處普莊嚴園休捨優婆夷離憂安隱幢解

脫門。

見聞同住不唐捐吸盡西江未足傳向若歎洋慚灌
叟鐵圍山外有香泉

那羅素國毘目瞿沙仙人無勝幢解脫

摩頂執手東奔西走貶得眼來天長地久落花紅處

象王廻芳草綠時師子吼

伊沙那聚落勝執婆羅門無盡輪解脫

刀山火聚足清安只是全身投入難拚得一條窮性
命髑髏孔裏夜光寒

師子奮迅城慈行童女般若波羅密普莊嚴門

清淨法身牆壁瓦礫種種異門何莫何適欲知百萬
陀羅尼好向莊嚴宮殿覓

三眼國善見比丘隨順燈解脫門

風和日暖魚尋餌楊柳桃花夾岸新多少長安美公

子翩翩裘馬惜芳春

名聞國阿渚自在主童子一坳工巧大神通智
光明法門

童子無聊聚沙爲戲算去算來有名無義漚滅空無
是一是二雖然恁麼舉揚不免眼中添刺

海住大城具足優婆夷無盡福德藏解脫門

一器幾何十界供普吞時脹殺人天吐時餓殺佛祖
問取童女十千畢竟作何去取

大興城明智居士隨意出生福德藏解脫門

仰視虛空所須悉下分明各自帶來何故向他酬謝
識破者點機關便解逢緣不借

師子宮大城法寶髻長者無量福德寶藏解脫
門

奏樂燒香迴向因十重樓閣報分明可憐歌舞場中
客荒却良田不肯耕

藤根國普門城普眼長者令一切衆生普見諸
佛歡喜法門

知病識藥將錯就錯和合諸香無作爲作只恐城東

老母來不用許多閒絡索

多羅幢城無厭足王如幻解脫

從古護生須是殺直教殺盡始安居慈悲瞋恚兩舌
語暮三朝四撫羣狙

妙光城大光王大慈幢行

曾母指疼曾參舂感非因天性相關只爲一般皮肉
纔涉擬議思量不啻大唐天竺

安住王都不動優婆夷求一切法無厭足三昧
堂宇光明普耀霧變溪山文豹自在平等總持不離

音聲笑貌貪觀佛刹道場却被浮雲籠罩

無量都薩羅城徧行外道至一切處菩薩行

小兒啼哭祇因饑拈得饅頭當米糍一飽自然無病
痛不勞他處別尋醫

廣大國優鉢羅華長者調和香法

長者如何慣鬻香不知誰處得真方天涯海角多知
已莫歎孤身落異鄉

樓閣大城婆施羅船師大悲幢行

暴虎馮河吾不與長年柁手最知幾波斯到岸因風

便采得明珠滿載歸

可樂城無上勝長者至一切處修菩薩行清淨
法門

無依無作逞神通誰信鄉風處處同賣盡拙時畱下
巧蘆花依舊宿漁翁

輸那國迦陵迦林城師子頻申比丘尼成就一
切智解脫

一有多種二無兩般衆會不遑園林不寬依正遶旋
無量匝明星初湧夜更闌

險難國寶莊嚴城婆須密多女離貪欲際解脫
旃檀樹下足蜿蜒蓮華池畔蜂充塞曾向嵩山社裏
來始知跌法從他得

善度城鞞瑟胝羅居士不般涅槃際解脫
一座旃檀佛塔信手隨心開闔見得三世分明也是
空華雜沓明朝便是新年今夜且稱殘臘

補怛洛迦山觀自在菩薩大悲行解脫門

遙見連忙唱善來也知年老惜嬰孩待他立德揚名
日始信而今滿面灰

東方正趣菩薩普門速疾行解脫

曾聞著靴水上立馬到長安靴未濕走徧虛空盡未
來普賢毛裏高相揖

墮羅鉢底城大天神雲綱解脫

長舒四手取海水洗面無端摸著鬚借婆衫子拜婆
年孤兒本是趙家子

菩提場安任主地神不可壞智慧藏法門

寶藏相隨夙善根勞他指示語溫溫分明福地生靈
種幾箇男兒解報恩

迦毘羅城娑珊婆演底王夜神破一切衆生癡

暗法光明解脫

日沒西陲鳥宿林滿天星斗映江涔漁翁綸線垂將
盡釣得金鱗大幾尋

菩提場內普德淨光主夜神寂淨禪定樂普遊

步解脫

古鏡磨來徹體明山河國土炳然呈不因走徧天涯
路豈信居家脚底輕

菩提場右喜日觀察衆生主夜神大勢力普喜

幢解脫

未到酒家香十里開樽轉覺醉醺醺不知昔日耕耘
苦便擬無錢賒幾斤

普救衆生妙德主夜神普現一切世間調伏衆
生解脫

猛火何能燒得木木中出火自成燒眷間光照君看
取火種傳來是幾朝

寂靜音海主夜神念念出生廣大喜莊嚴解脫
樹根依地果依空培得根深果實豐波利質多人不

信諸天日夜挹香風

守護一切城增長威力主夜神甚深自在妙音

解脫

洪鐘隨扣便隨鳴聲性何關四性生杜口也知非得
已不堪重舉似羣盲

開敷

切樹華主夜神菩薩出生廣大喜光明

解脫

賢其賢而親其親樂其樂而利其利承流宣化不違
時便是循良方正吏

大願精進力救護一切衆生夜神教化衆生令
生善根解脫

摩尼現色元非色日影無來示去來夢裏墮河雖是
妄一翻提起亦添哀

嵐毘尼園妙德神菩薩於無量劫徧一切處示
現受生自在解脫

十種受生藏積年行貨帳討時沒分文算時有多樣
直教除盡算盤珠十尺元來是一丈

迦毘羅城釋女瞿波觀察菩薩三昧海解脫

塵劫追隨非偶然染因緣是淨因緣鴛鴦帳裏調琴
瑟喚醒寒鴉樹上眠

佛母摩耶大願智幻解脫門

無生無不生幻法元非法腹同世界寬身似浮雲杳
調御天人師收來做一匝擬將普眼觀赤鬚生眷睨
正念天王女天主光無礙念清淨莊嚴解脫

過去無邊事何勞更憶知只因生處熟熟處更難移
迦毘羅城童子師徧友

謬爲人師尸位曠職問他法門推向子息若不勘破

一錢不直

善知衆藝童子菩薩字智

天籟地籟休教錯會入得門來不妨在外

婆坦那城賢勝優婆夷無依處道場解脫

有盡無盡無依有依道場三昧雲駛花飛

沃田城堅固解脫長者無著念清淨莊嚴解脫

旣名無著何更勤求若言一串終成兩頭

妙月長者淨智光明解脫

宅有光明奚稱淨智雖不說明早相鈍置

出生城無勝軍長者無盡相解脫

見無量佛得無盡藏問取善財是相非相

法聚落最寂靜婆羅門誠願語解脫

揭諦揭諦除冥抉翳足趾血乾胞胎落地

妙意華門城德生童子有德童女幻住解脫

海外青山雲外霓體中權實漫分枝同條生不同條

死更問龍華調御師

海岸國大莊嚴園毘盧遮那莊嚴藏樓閣彌勒

菩薩入三世一切境界不忘念智莊嚴藏解脫

果覺因心事不殊訂寧終始意無餘曾爲浪子方憐
客不是波斯莫獻珠

乾闥婆城鏡裏呈無邊色像倍分明去來彈指閒家
具未嘗徒勞瞪眼睛

普門國蘇摩那城文殊師利遙申右手按頂

若來已更不來若見已更不見忽然摸著鼻頭端的
高高在面

如來座前普賢菩薩

身經百戰定封疆徧界成平返故鄉馬上幾多驚險

事不堪說向夜郎王

剎剎塵塵性本融非關作意顯神通阿誰身上無毛
孔忍使伽瓶局太空

善財菩薩一生圓滿

歷代相傳舊祖基分明稚小被他欺京城府縣都曾
訴土地坡隍到處祈終訟總之非得已贏來那別有
便宜愁人莫與無愁說說與無愁總不知

全部總頌

讀徧神農本草書根莖花果辨無餘採來件件都堪

用看去般般總不殊必死祇因疾尚諱可生終賴藥
相扶大黃能補參能瀉莫效庸醫守一隅

○大佛頂首楞嚴經二十五圓通頌并序

一真亡影待七花八裂析旃檀衆聖失巴鼻萬別千
差歸渤海正令全提假饒茅屋牖邊鼠雀豈容穿過
旁通一線任你舍元殿裡庶民亦可往來所以道得
之則狸奴白牯動地驚天失之則諸佛如來愁眉鎖
目此大佛頂首楞嚴王三昧二十五圓通法門者聲
聲毒鼓喪盡根塵識大命根法法醍醐灌醒空假中

道血脉可謂通身是病通身藥是處有穴是處針縱
令通入膏肓難免着婆妙手捻餅作團饑兒之啼哭
可止鍊酥成酒猛光之痼疾堪醫漫道泥牛入海且
看木馬嘶風觸著痛處自身有苦自身知掘得寶來
大家有福大家享由是各系一頌以爲利根鞭影云
橋陳那於佛音聲悟明四諦

鹿苑初陳門外車諸天餓鬼辨河沙東風一夜傳春
信開盡黃梅嶺上花

優波尼沙陀悟諸色性以從不淨

傀儡登場怖偃師楚王一怒體分離目成從此無消息坐聽寒林啼子規

香巖童子觀香意銷

幼婦初裝倚翠樓新郎曉起尚含羞無端召作征遼將向月胡笳起暮愁

藥王藥上因味覺明

嘗徧娑婆藥萬千箇中何味可延年神農牙齒都零落報道砒霜最直錢

跋陀婆羅忽悟水因

剝破虛空血迸流石人撫掌碧山頭春光甫見花成市一葉梧桐已到秋

摩訶迦葉唯以空寂修於滅盡

六塵變壞眼培花空寂徒傳月裏艦微笑至今賊證在太平天下事如麻

阿那律陀樂見照明金剛三昧

失目翻成有見照明奚似緣塵爍破大千世界豁開無漏真精心眼俱掛壁上桃花梅花笑人

周利槃特迦調出入息得大無礙

天地猶如豪籥不須一句伽陀生住異滅無性平沉
佛國山河自從打失鼻孔爭說安那般那

橋梵鉢提一味清淨心地法門

有時醍醐毒藥有時毒味甘露祇因弄巧成拙不免
將迷作悟喚出甌裏大夫直教手足無措

卑陵伽婆蹉純覺遺身

泥裏果然有刺痛外何嘗見身虛空百雜粉碎白雲
橫封渡津欲知不痛消息跛鼈盲龜較親

須菩提曠劫知空

芥子須彌罣塞何處轉身出息偶然解得藏機彈指
幻成百億相隨樹倒藤枯笑破色空空色

舍利弗心見發光

九緣不借一靈孤更向金鉀徹體剗戮瞎眼睛明箇
事剎塵身上鏡中圖

普賢菩薩心聞發明

毛端剎海同簧鼓特地勞他白象王金翅食龍如食
麩一般也是塞饑腸

孫陀羅難陀觀鼻端白

苦瓠甜瓜一概拈更將無味葛藤添縱饒洞照十方
界鼻孔依然臉上尖

富樓那彌多羅尼子因師子吼成阿羅漢

義身較比文身切出楔何如用楔親野干昔年曾膽
裂孺羊漫擬效顰伸

優波離持戒修身

持犯開遮三聚成式又何法不圓明不龜手藥隨君
用無作誰畱凡聖情

大目犍連心光發宣

澄濁成清不較遲黃河入海正奔馳攜來靜器君須
識莫負嵩山碧眼師

烏芻瑟摩火光三昧

一星便可燎須彌休把螢光問魯齊拈起秤錘渾是
鐵空教積劫墜汗池

持地菩薩平地心開

圓融絕待妙蓮華須是還他古作家馬後車前無數
客等閒同駕白牛車

月光童子修習水觀

一滴源流徹底清無端猶被水當情觸體枯盡全身
露浸殺從來佛與生

琉璃光法王子觀羣動性

與奪全機暗裏明啾啾千界器中聲春風吹散寒威
後膳有梅花映水晶

虛空藏菩薩觀察虛空無邊

晦昧情忘空界銷毛端刹海境偏豪寶珠圓鏡閒家
具何物拈來價不高

彌勒菩薩唯心識定

繩上無蛇性自麻趣真斷妄轉紆斜風停波息澄如
鏡處處清光映紫霞

大勢至法王子念佛三昧

服盡軒岐百草丸阿伽一味信神丹五宗八教橫羅
列未死偷心孰肯餐

觀世音菩薩從聞思修入三摩地

酒病還須酒藥醫推門落臼正當時神通妙用尋常
事莫使重栽眼上眉

十方如來放光總印

大地覓來純是藥者婆空手挈籃回從今徹體光明
藏始覺從前事可哀

文殊師利選擇圓通

海錯山肴難療饑文殊嚼飯喂嬰兒多門一路君看
取人不和分家道衰

阿難大衆得大開示

雷雨無私萬卉蘇故鄉他國路寧迂推開長夜山河
枕病起精神也較癯

性比丘尼成阿羅漢

緩治本兮急治標無端芽種乍成焦鏡中半露娘生
面今日方知行處遙

頂光化佛重宣神咒

萬種名香擣一龕胡言漢語最宜叅頂光照破虛空
也聽取前三與後三

金剛藏王發願護持

慈威折攝足良模同體悲心痛切膚減度已知無可
滅大家且把刹竿扶

○妙法蓮華經品頌并序

花簇簇錦團團。一塵不立。赤條條淨裸裸萬法齊彰。
盡瞿曇四十九年老婆舌頭提掇不來。憑列祖千七
百箇生鐵掃帚打併不去。除非摸著自己鼻孔方能
踢倒從來窠臼。荆棘林內慣解掉臂橫行。潔白地中
不妨轉身直過。惟我天台智者禪師。發妙悟於大蘇
觀靈山於言下。縱一旋陀羅尼力宣四不思議辯才。
究權實之攸歸闢本迹之深致。玄義五重頂門打破。
觸體寒。文句四釋徧體針流毛孔。血。襪。暗講家肉眼。
樂開禪士幽關。師弦震而飛走。俱逃毒鼓。過而遠近。

皆喪特以圓音卓絕鈍識如盲義海汪洋葉舟欲蹶
山僧不惜眉毛每品爲拈一頌。大似助桀爲虐平地
重添葛藤。不會則拔楔抽釘會得則喪身失命

法喻爲名

心佛衆生撥不開三玄三要事難猜。一莖拈作金身
用惹得頭陀笑滿腮。

實相爲體

函蓋乾坤未足奇。四微原不隔根枝。分明舉似諸方
也。又道如來祇自知。

一乘因果爲宗

衆流截斷事如何
滴滴歸源不較多
踏徧十方香水
海靴頭幾處犯清波

斷疑生信爲用

逐浪隨波最可憐
明中有暗意偏玄
毘嵐吹散雲千
朶放出孤輪一夜圓

無上醍醐爲教相

分明一樣牛身味
轉變番番不借功
飽食會須脾力
健莫教傷却小兒童

序品第一

白毫舒照半提時
萬八東方蠟印泥
擬向文殊辯端
的重栽眼上兩莖眉

且道作麼生是全提
咄逢人切忌錯舉

方便品第二

輦伸出窟威風別象
兔搏來同見血
誰知昔日金剛
王今日翻成繫驢橛

譬喻品第三

門外何勞覓大車
錯將三界認爲家
火光燒爛虛空
也誰解回頭叫阿爺

信解品第四

客作從來非賤人，糞除未盡自迷津。却憐五十餘年，別此日相逢覺倍親。

藥草喻品第五

地雨何曾有二心，根莖花果漫森森。四微終始元無別，莫向枝條大小尋。

授記品第六

體露金風樹葉凋，四人生死久同條。禹門無數金鱗躍，莫向澄波月影翹。

化城喻品第七

塵點劫前曾服毒，至今猶覺身麻木。彈指歸來較是遲，癡人還問西天竺。西天竺化城實所誰，家屋錯認他方五百旬。窮年竟歲空勞碌，且問只今在什麼處。咄看脚下錯錯。

五百弟子受記品第八

成羣作隊鍊饑寒，衣裏明珠煞欲穿。可惜而今醉臥客，再逢親友是何年。

授學無學人記品第九

大小都虛一網收蝦蟆猶欲竄前流饒他蟠結滄溟
窟依舊還吞呂望鉤

法師品第十

大地從來依水輪高原穿鑿莫辭辛著衣坐臥尋常
事還道如來是別人

見寶塔品第十一

古佛婆心事太多土田三變意如何雖然明得聲前
句不免重添浪上波

提婆達多品第十二

碎身粉骨結成仇不是怨家不聚頭一粒寶珠光燦
爛南方又起未來愁

持品第十三

此土他方波浪闊長年柁手精神別巨鯨一搭上鉤
來傍岸猶憐風力掣

安樂行品第十四

護命靈丹只一丸身經百戰朔風寒明珠解髻親收
得紅網光中夢未殘只今還有作夢者麼可憐大唐
國裏盡惺惺地

從地涌出品第十五

慣作白拈難認覓一般手段兩般刀莫嫌子老父偏
少馬腹驢胎知幾遭

如來壽量品第十六

莫言箇事無頭尾特地勞他數刹塵好藥但教諸子
服病除始觀劫前春

分別功德品第十七

太空丈尺誰堪測鵬徒依稀九萬程昨夜符毛偶饑
急謀將華藏袁盈鎬

隨喜功德品第十八

摩尼雨寶正穰穰半世饑虛此夜忘莫怪邊城多旅
夢幾人曾嗅返魂香

法師功德品第十九

無位真人六不收放光動地轉生愁離微語默閒家
具何處潮聲非海流

常不輕菩薩品第二十

惡水澆人罪不輕頓教平地死屍橫獨悲未入阿鼻
者今日猶開鬼眼睛

如來神力品第二十一

掀天揭地欲何爲箇事元無成與虧認取指音并舌
相莫將黃葉誘嬰兒

囑累品第二十二

年老情偏戀子孫幾人能得起家門殷勤記取靈山
勅鏤骨銘肌報此恩

藥王菩薩本事品第二十三

然身然臂施中最妙法何嘗隔苦功歎息東施累西
子因噎廢飯還成風伶俐漢莫匆匆經王收入無縫

塔萬別千差一路通

妙音菩薩品第二十四

十界弘經讚妙音色身普現去來今馮山五字淺深
意畱與諸方作眼箴

觀世音菩薩普門品第二十五

自從證得圓通常慣將生佛同又聚藥珠身毒天鼓
與樂會須先拔苦聲聲只叫觀世音何時識却主中
主要識主翁也不難路頭盡處須迴武一番逗入無
畏城不消更問雲門普

陀羅尼品第二十六

煙雨濛濛渡古村夜溪杙影似人形天師一道靈符
到彈指扶桑已浴溟

妙莊嚴王本事品第二十七

禍出私門事可哀破家亡國未稱災一回追憶山中
日愧殺從前滿面灰

普賢菩薩勸發品第二十八

昨夜雷驚娑竭羅頓令雨點如車軸須臾浸沒梵王
宮數滴空勞首羅目四法重敷萬古傳塵塵刹刹燈

相續

藕益三頌

重刺三頌跋語

不信有教外別傳是謗宗也必謂教外果有別傳
是謗教也捨此二途畢竟作何折合不見古人道
恁麼也不得不恁麼也不得恁麼不恁麼總不得
又云恁麼也得不恁麼也得恁麼不恁麼總得雖
然如是毫釐有差天地懸隔山衲甘墮無間漫作
三頌未審是教外耶是教內耶別傳耶非別傳耶

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

倘遇無眼人觀無耳人聽必有能辯之者甲申季
春藕益智旭識于普德講堂



重慶三陰觀音
不... 益... 三... 陰... 觀... 音...

益三

ノ五十三

